

Der Teütschen

sam beschreiben: Ich geschweige jetzunder des seltsamen feurwercks darmit die Künstler vmbgehn / vnnnd demnach niemands ist oder sein würt / der des feurs Krafft vnnnd wunderwerck erfahren oder volkomlichen erkundigen mage / wöllen wir vns auff dismal mit arbeit nit zü hoch bemühen / vnd das feurwerck dem fürwitzigen Phaetonti vnd seines gleichen befehlen / die auch den himmel / die Sonne vnd alle feurige sternenn wissen zü regieren.

Genüg ist / das wir wissen wie das vnser feur von natur heiß vnd drucken ist / vnnnd doch in allen lebendigen creaturen vnd gewachsen ein solch temperament für / das alle ding mögen leben vnd wachsen / vnnnd ist gleich wol in einem ding mehr hitziger dan im andern / vmb des willen haben die gelerten des feurs temperierung in etliche gradus oder staffel verfasst / daselbst hin mag sich / der weiters wissen wil / verfügen / vnd auß den geschöpffte dingē / als dem Knoblauch / senff / Bertram / Pfeffer / Euphorbio / Mezereon vnd anderer ding erlernen vnd versuchen was feur vnd feures Krafft ist. Die kostung gemelter ding machen mich sehr hitzig / muß mich züm wasser genähen.

Vom wasser vnnnd seiner eigenschaft. Cap. iij.

WAls ich vom feur züm wasser kommen / vnd widerumb züerkülen mich vnd name / befand ich bald das seine Krafft groß vnd wunderbarlich war / welches alles mir oder einem andern zü beschreiben onmüglich ist /